KONPUTAGAILU SAREEN OINARRIAK (1. Ariketa – A)

Izena:

1. Aztertu ondoko Ethernet trama (180). Barruan TCP segmentu bat du kapsulatuta. Fitxategi baten transferentzian lortutako trama da:

Ethernet, IP eta TCP-ren goiburuen estruktura azken orrian aurkezten da (informazio zehatzago behar izanez gero, galdetu edo Interneten topa dezakezue).

Ondoko galderak erantzun:

a. Adierazi traman protokolo bakoitzari dagokion gohiburua, baita tramak dakarren informazioa (kolore desberdinez markatu).

Ethernet



TCP

b. Zeintzuk dira Ethernet protokoloan agertzen diren helbide fisikoak (helburuko eta jatorrizko MAC-ak)?

```
00 06 25 da af 73: Helburuaren helbide fisikoa (MAC)
00 20 e0 8a 70 1a: Iturriaren helbide fisikoa (MAC)
```

c. Nola dakigu Ethernet pakete barruan IP datagrama bat dagoela?

08 00: EtherType, Ethernet pakete barruan doan sare protokoloa. Gure kasuan 0800 IP da.

d. Nola dakigu non bukatzen den IP goiburua? Zein da horren luzera?

Goiburuaren luzera, goiburuan adierazita dago. Hau ez da finkoa egon daitezkeen aukerak direla eta. Daukagun IP goiburuan lehen byte 45 da. Lehen 4 bit-ek IP bertsioa adierazten dute (IPv4 gure kasuan) eta beste lauak, 5, goiburuaren luzerari, 32 biteko hitzetan. Honek, **Aukera** eremurik ez dagoela esan nahi du

e. Zein da IP datagrama osoaren luzera bytetan? Non agertzen da informazio hori?

IP datagrama osoaren luzera lehen hitzaren 2. Eta 3. bytetan (0-n hasita) dago adierazita.

Gure kasuan 05 dc da, hau da 1500 byte. Emandako paketearen luzera 03 6f denez, osorik ez dagoela esan daiteke.

Pakete osoaren luzera zenbatzeko, 1500 byte horiei Ethernet protokoloari dagozkion 14 byte gehitu behar zaizkie. Proposatzen den pakete osoaren luzera 1514 bytekoa da (05 e9)

f. Nola dakigu IP datagrama barnean TCP segmentu bat dagoela?

Hirugarren hitzaren hasierako bi byteak TTL (Time To Live) eta Protokoloa dira: 80 06. Gure kasuan protokoloa 06 denez, barnean TCP doala dakigu.

g. Zeintzuk dira datagramaren jatorrizko eta helburuzko IP helbideak? Zer esan dezakezue haiei buruz?

```
c0 a8 01 66: 192.168.1.102 da iturriaren helbidea. Helbide pribatua da 80 77 f5 0c: 128.119.245.12 da helburuaren helbidea. B motako helbide publikoa da (16 bit definituta)
```

h. Zeintzuk dira Aukerak esparruan agertzen diren datuak?

d. puntuan adierazi den bezala, Aukera eremua ez da datagramaren goiburuan agertzen

i. Goiburuaren Checksum esparrua erabiltzen da?

Ez, 00 00-n dago

j. Aurkeztu den informazio paketea, osorik dago edo informazioa falta da?

Ez, e. puntuan aztertu da datagramaren luzera

k. Zeintzuk dira IP datagrama barruan dagoen TCP segmentuaren portuak? Igorle eta jasotzailearen portu zenbakiak ikusita, zein da burutzen ari den ekintza: zerbitzaritik fitxategi bat deskargatzen ari da edo horretara igotzen ari da?

04 89: 1161 da igorlearen portua

00 50: **80** da helburuaren portua

Datagrama fitxategi baten transferentziari dagokio. 80 portua (helmuga) zerbitzarietan agertzen den zerbitzu ezagun baten adierazlea da, beraz fitxategia zerbitzarira igotzen ari da. IP helbideen izaerak (publiko/pribatua) ere hau pentzarazten gaitu

I. Zein da informazio tramatik segmentuak bidaltzen duen lehen bytearen sekuentzia zenbakia seq #? Zein da hurrengo segmentuan bidaliko den seq #, segmentu guztien tamaina berdina bada?

od 8d 45 29 da gohiburuan agertzen den **seq # (227.362.089). Z**enbaki honek ez du adierazten jada bidalitako byte kopurua, bidaltzen den tramaren byteari hasieratze zenbakia gehitzen zaiolako.

Bidaliko den hurrengo seq # 0d 8d 4a dd (227.363.549), hau da aurreko seq # + 1460.

Balio hau kalkulatzeko IP datagramaren osoaren luzera ezagutzen dugu (1500, **e.** puntua). Honen barruan, IP-ren goiburua, TCP-ren goiburua eta TCP-ek dakarren informazioa dago):

IP-ren goiburua 20 byte.

TCP goiburua 20 byte -ez dago **aukera** eremurik, 4. hitzaren lehen 4 bits goiburuaren luzera ematen dute hitzetan 5 = 20 byte-

TCP payload 1500 - 20 - 20 = **1460 byte**

m. Zein da ACK bit-aren egoera? Zein da beste aldetik espero den hurrengo segmentuaren seq #?

TCP goiburuaren 4. hitzan (50 10), aipatutako goiburuaren luzeraz gain, protokoloaren flag-ak agertzen dira, haien artean ACK. 1-ean dagoen bakarra.


Beste aldetik espero den hurrengo **seq #**, *ACK zenbakia* eremuan dago: 34 a2 74 1a (833.061.786). Berriro esan behar da, hau dela espero den transmisioaren **seq #** gehi, hasieran hartutako ausazko zenbaki bat.

n. Zein da jasotzen den lehioaren tamaina? Zer adierazten du honek?

Leihoaren tamaina 2 byteko eremua da, flag-ak eta gero agertzen dena. Horren balioa, gure kasuan, 44 70 da, hau da 17520.

Horren esanahia ondokoa da: Konexio batentzako helburuko makinak onartuko duen buferren tamaina bytetan

2. Aztertu itzazu hurrengo hiru TCP tramek. Zer egiten dute? Zer informazio lor dezakezue?



Emandako hiru paketeak, TCP-k egite duen hiru pausoko agurrari dagokie: SYN, SYNACK, ACK.

Lehen paketean ikusten da nola SYN flag altxatuta dagoen: 70 02. Hortaz aparte, aurreko baino goiburu luzeago dugula aipa daiteke. Kasu honetan luzera 4 byteko 7 hitzekoa da, goiburuan agertzen den bezala 70 02.

Gehitutako bi hitzak 02 04 05 b4 01 01 04 02 *Aukerak* eremukoak dira eta bertan konexioaren baldintzak ezartzen dira,segmentuaren gehienezko tamaina , MSS, haien artean: 05 b4 (1460) Hasierako **seq #** ezartzen da 0d d6 01 f4 (ausazko zenbakia)

Ikus daitekeenez, informazio eremua utzik dago segmentu honetan.

Bigarrenak, zerbitzariaren aldetik jasotzen den SYNACK erantzuna dago. 70 12 flag biak altxatuta daudela ikusten da.

Zerbitzariaren partetik seq # ezartzen da 34 a2 74 19, eta beste aldetik etorri den seq # errekonozitzen da 0d d6 01 f5 (ACK).

Kasu honetan ere, goiburuak 2 hitz gehiago ditu, non komunikazioaren baldintzak ezartzen diren. Bi segmentuak alderatuta, lehioak tamaina desberdinekoak direla ikus daiteke.


Azken paketeak agurraren hirugarren pausua ezartzen du. Bezeroak ACK bidaltzen du 50 10,goiburuak bere ohiko tamainara bubeltatzen da (5 hitz, konexio baldintzak ezarrita daude), seq # byte batean handitu da 0d d6 01 f5, espero den bezala eta beste aldeak bidalitako seq # dagokion ACK jasotzen du 34 a2 74 1a

Hauek dira hiru datagrama hauen alderik esanguratsuenak. Aurreko puntuan aztertutako helbide, portu eta beste eremuak ere agertzen dira kasu honetan.

• Ethernet bilbearen formatua


			IP	TCP	Datuak	
Helbidea Helburua (6 byte)	Helbidea Jatorria (6 byte)	Mota (2 byte)	Datuak		CRC	

• IPv4 goiburuaren formatua



- (*) 32 bit-eko zenbat hitz
- (**) goiburua eta datuen luzeera byte-etan

• TCP goibururaren formatua



(*) 32 bit-eko zenbat hitz